

ԵՎԴԱՏՈՐԻԱՅԻ ՍԲ. ՆԻԿՈՂԱՅՈՍ ՀԱՅԿԱԿԱՆ ԵԿԵՂԵՑԻՆ

ՅՈՒԼԻ ԲԱՄԱՆՅԱՆ

Ղրիմի թերակղզու արևմտյան մասում գտնվող Եվպատորիա քաղաքը իր գոյության 2500 տարվա ընթացքում բազմիցս ավերվել և նորից վերականգնվել է: Նրա անվանափոխումները՝ Կերկինիդա, Կեոզլե և Վերջապես Եվպատորիա, այդ վերափոխությունների լավագույն ապացույցն են:

Հին քաղաքներից շատ քչերին է վիճակվել անաղարտ պահպանել ստեղծված ճարտարապետական ընդհանուր ուրվագիծը: Եվպատորիայում պահպանվել են բավական թվով պատմական կառույցներ, հին շենքերի մնացորդներ, ծուռումուռ փողոցներ և ընդհանուր առմամբ պատմական միջավայր: Հին կառույցների մեջ նշանավոր է 1552 թ. հայազգի նշանավոր ճարտարապետ Սինանի կառուցած Զումա—Ջամի մզկիթը¹: Պահպանվել են նաև մի շարք այլ հուշարձաններ, որոնցից հատկանշելի է սբ. Նիկողայոս հայկական եկեղեցին²: Այն գտնվում է քաղաքի կենտրոնական թաղամասում (Ինտերնացիոնալնայա փողոց, № 44, այժմյան ծերանոցի բակում):

Եկեղեցին գմբեթավոր բազիլիկա է (նկ. 1), տևր ամբողջ ծավալները ավարտվում են ութնիստ թմբուկով: Գմբեթակիր շորս կամարները հենվում են շորս կլոր սյուների և փոքր գոտկող կամարների միջոցով (որոնք հենվում են պատերին կից որմնամուկների վրա) բեռը փոխանցում պատերին: Գմբեթի հիմքը ստացվում է գմբեթակիր կամարների անկյուններում տեղադրված շորս առագաստների միջոցով: Առագաստների վրա ժամանակին եղել են փորագրված վարդյակներ՝ օվալ շրջանակների մեջ, որոնցից, սակայն, պահպանվել են միայն երկուսը (հիշենք Մոմիկի կառուցած Արենիի եկեղեցու առագաստները): Գմբեթակիր շորս սյուները կլոր են, հարթ սվաղված, առանց բարակեցման: խոյակները և խարիսխները իրենց տրամատով հիշեցնում են անտիկ ճարտարապետության տարրերը: Գմբեթակիր կամարները իրար միացած են մետաղե ձգաններով, որոնք մասամբ մարում են առաջացած հրող ուժերը: Բազիլիկայի փոքր նավերը ծածկված են գլանաձև թաղերով գոտկող կամարների վրա: Ներսում կառույցի պատերը սվաղված են եղել, սակայն որմնանկարների հետքեր չեն պահպանվել: Ավագ խորանի երկու կողմերում տեղադրված են երկհարկանի ավանդատները, որոնց երկրորդ հարկ տանող փայտյա աստիճանները սկսվում են կենտրոնական նավի և ավագ խորանի միջև գտնվող ուղղանկյուն հատվածից: Երկրորդ հարկի ավանդատները լայն բացվածքով միացած են եղել եկեղեցու ընդհանուր դահլիճին, սակայն վերակառուցումների ժամանակ հարավային ավանդատան բացվածքը փակվել է: Առաջին հարկի ավանդատների մոտքը եկեղեցու ընդհանուր դահլիճից է, և դրանք այժմ օգտագործվում են որպես պահեստներ:


Աբսիդի ծավալը շենքի ընդհանուր ծավալից դուրս է դրված, սակայն կենտրոնական նավի շարունակությունը կազմող ուղղանկյուն հատվածը պահպանում է նաև աբսիդի մի մասը, որի հետևանքով աբսիդը ներսից դարձել է ելլելի կիսաշրջան (նկ. 1):

Եկեղեցին բավական մեծ շենք է, որի ճակատները լուծված են համաչափ: Բացվածքների դասավորությունը որոշակի ութմ է հաղորդում ամբողջ կա-

¹ В. Драчук, Я. Кара, Ю. Чалышев, Керкинда-Гезлев, Евпатория-Симферополь, 1977, с. 66; «Հայկական սովետական հանրագիտարան», հ. 10, էջ 386:

² Վ. Միքայելյան, Ղրիմի հայկական գաղութի պատմություն, 1801—1917, Երևան, 1970, էջ 456:

ռուցվածքին: Ներքևի շարքի լուսամուտները ուղղանկյուն են և ունեն երեսակայներ, որոնք բարավորից վեր ավարտվում են սլաքաձև պսակով (նկ. 2): Ուղղանկյուն լուսամուտների վրա տեղադրված են կլոր լուսամուտներ դարձյալ երեսակալներով: Հյուսիսային ու հարավային ճակատների արևելյան մասի վերջին ուղղանկյուն լուսամուտների վրա կլոր լուսամուտներ չեն տեղադրված: Ուղղանկյուն պատուհանների պսակները նմանութուն ունեն Ղրիմի ավելի վաղ կառուցված հայկական հուշարձանների նմանօրինակ տարրերի հետ: Օրինակ՝ Քեոպսիայի Հովհաննես Աստվածաբանի և Հրեշտակապետաց եկեղեցիների շքամուտքերը: Արևելյան ճակատի վրա տեղադրված է մեկ լուսամուտ, որի վերևի մասում պահպանվել է պատի մեջ ագուցված մի փոքր, խաչքար (նկ. 3): Արևմտյան ճակատի վրա տեղադրված լուսամուտները հիմ-




Նկ. 1. Եվպատորիայի սբ. Նիկողայոս եկեղեցու հատակագիծը
(չափագրությունը՝ Յուլ. Քամանյանի)


նականում նույնատիպ են, միայն առանձնանում է համարյա քիվի տակ տեղադրված պատուհանը՝ կիսակլոր պսակով: Լուսամուտը փերցրած է ուղղանկյուն շրջանակի մեջ և տեղադրված է պատի հարթությունից ներս:

Եկեղեցին ունի երեք մուտք՝ հարավից, հյուսիսից և արևմուտքից: Հյուսիսային և արևմտյան պատին պահպանվել են շաղախի և պահուստների հետքեր, որոնք, հավանական է, կից կառուցված նախամուտքի կամ նախասրահի մնացորդներ են: Շատ հնարավոր է, որ թմբուկի յուրաքանչյուր նիստի վրա (կամ միայն 4 նիստերի) բացված լինեին լուսամուտներ: Ահռ հետաքրքրու-

թյուն ևն ներկայացնում մուտքերի վրա բացված լյուսեռները: Այդ ձևը մեր պատմական ճարտարապետության մեջ կիրառվել է դեռ վաղ միջնադարում (Ավանի տաճար): Հատկանշական է, որ հեղինակը նորից է անդրադարձել լյուսեռների օգտագործմանը, դրանով հեռավոր կապ ստեղծելով վաղ հայկական ճարտարապետության հետ: Արևմտյան մուտքի լյուսեռի մեջ արված է ուղ-



Նկ. 2. Եկեղեցու հյուսիսային ճակատը



Նկ. 3. Եկեղեցու արևելյան ճակատը

ղանկյուն խորշ, որը, ըստ երևույթին, նախապատրաստված է շինարարական արձանագրության տեղադրման համար: Հավանական է, որ սվաղի շերտի տակ պահպանված լինի այդ արձանագրությունը:

Շքամուտքերի ճարտարապետական մշակման մեջ նկատելի են անտիկ ճարտարապետությունից փոխառնված ձևեր՝ տրիգլիֆներ, Հայկական ճարտարապետության համար անսովոր է բարավորների փականի քարի շեշտումը, որը այս կառույցում տեղ է գտել մուտքերի ձևավորման մեջ: Փականի քարը մի փոքր կախ է տեղադրված և ունի կիսակլոր ելուն: Շենքի վրա բացակայում են վիմագրությունները, որոնք դժվարացնում են կառուցման ժամանակի որոշման հարցը: Եկեղեցու շինարարությունը, հավանաբար, ավարտվել է XIX դ. կեսերին³: Ըստ պահպանված տեղեկության, Եվպատորիայի ս. Նիկողայոս եկեղեցու եկամուտները 1831—1842 թթ. կազմել են 18075 ռ. 68 կ., իսկ ծախսերը՝ 16.052 ռ. 59 կոպեկ⁴: Վ. Միքայելյանը նշում է, որ «Եվպատորիայի ս. Նիկողայոս եկեղեցու եկամուտներն ու ծախսերը շատ են, որովհետև եկեղեցու շինարարությունը, որը տարիներով ձգձգվում էր, մեծ գումարներ էր պահանջում»⁵:

Կառույցը կանոնավոր սրբատաշ, սպիտակավուն, տրախիտ հիշեցնող քարից է, որը շատ տարածված է Ղրիմի թերակղզում: Պսակող քիվը ունի բավական բարդ տրամատ, ուր երկու շարք իրար վրա տեղադրված ատամիկների արանքում տեղափոխված են կիսազլանաձև գոտիներ: Արևմտյան ճակատում քիվը ընդհատվում է, և կենտրոնական մասը մի փոքր բարձրանում: Այդ մասում նկատվում են տանիքի արմատական փոփոխություններ: Թմբուկի քանդակույց հետո արվել է նոր տանիք, որը արևելյան մասում իջեցված է, իսկ արևելյան արսիդան ծածկված է առանձին ծածկով: Բուն տանիքի կառուցվածքը պարզելու համար պետք է կատարել մաքրման աշխատանքներ:

Եկեղեցու հյուսիս-արևմտյան անկյունը ժամանակին վերափոխվել է: Կառուցվել է կոնտրֆորտ: Արևմտյան մուտքի մոտ պահպանվել է մի խարխուլի մնացորդ՝ անտիկ ճարտարապետությունը հիշեցնող տրամատով:

Պատմական կառույցի տեխնիկական վիճակը առանձնակի վտանգ չի հարուցում, միայն հարավ-արևմտյան անկյան տակ գոյացել է բավական խորը խորշ, որը շենքին կարող է վնաս հասցնել:

АРМЯНСКАЯ ЦЕРКОВЬ СВ. НИКОЛАЯ В ЕВПАТОРИИ

ЮЛИЙ ТАМАНЯН

Р е з ю м е

Отсутствие каких-либо надписей на армянской церкви св. Николая в Евпатории затрудняет ее датировку. Ориентировочно завершение строительства этого памятника можно отнести к середине XIX в.

План здания выполнен в традиционных формах исторической армянской архитектуры. Это купольная базилика с восьмигранным барабаном, который полностью разрушен. В кладку стены у восточного окна вделан скромный по размерам хачкар. Три входа в церковь были обрамлены портиками, остатки которых не сохранились. Наличие люнетов над входами также свидетельствует о преемственной связи с исторической армянской архитектурой.

³ Վ. Միքայելյան, նշվ. աշխ., էջ 310:

⁴ Նույն տեղում, էջ 151:

⁵ Նույն տեղում: